

25156

第二十三款 公司可將本合同應有之權利及責任。全行或分別交與他英國公司接辦。或再交代辦人代辦。其接辦代辦。應商請督辦核准。

第二十四款 本合同係中華民國二年 月 日。即西歷一千九百十三年 月 日。經由國會通過後。又遵大總統命令簽定。由外交部用公文照會英國駐北京公使。

第二十五款 本合同繕寫華英文各四份。中國政府存三份。公司存一份。如有文義可疑之處。以英文為準。

同 十五日

### 外國大事記

民國二年十月一日

●意大利解散國會……定二十六日舉行總選舉。

●奧意保護亞爾巴尼亞……奧意兩國。決計力護亞爾巴尼亞。俾不受塞爾維亞門的内哥羅之侵略。且不復求列國之同意。

同 二日

●塞軍恢復國土……塞爾維亞的布拉及阿克利達兩地。前被奪於亞爾巴尼亞軍。現已奪回。

同 三日

●奧國通告塞爾維亞……奧地利政府通告塞爾維亞。不得進攻亞爾巴尼亞。塞政府答稱遵守倫敦和約。對於亞爾巴尼亞。僅止防守。並無攻取之意。

●法國美國駐京公使呈遞國書

同 十六日

●江陰兵變……本日晚九時。駐黃山礮台海軍陸戰隊。突然變亂。搶劫北門外民居商店。並縱火焚燒房屋。旋復攻城。經憲兵巡警抵禦。至天明。亂兵始退歸營壘。嗣又竄至各鄉劫掠。政府聞變。即飭馮宣撫使國璋。由寧派兵前往查辦。當將亂兵圍逼。勒令繳械。並將該隊團長郭以廉營副張壽榮鎗斃。

同 十七日

●比國日本駐京公使呈遞國書

●美國新關稅法成立……美總統威爾遜本日簽字於新關稅法案。十日以內即須施行全國。

同 四日

●澳洲歡迎新艦……澳洲海軍新造旗艦澳大利亞號及巡洋艦錫突尼號駛抵澳洲。觀者甚衆。皆熱心歡迎。

●愛爾蘭罷業未已……英國愛爾蘭杜伯林工黨。自罷業以來。迄未解決。現工黨要求廠主解除罷業時雇入之工人。廠主堅執不允。

同 五日

●亞爾巴尼亞軍戰敗……亞爾巴尼亞軍累被戰敗。勢不復振。國境間已就平靜。

●列國通告希臘……列國通告希臘政府。勸其力持平和態度。勿過堅持。

同日 六日

●土使如希……土耳其使議和全權大臣赴希臘首都雅典。再開講和會議。

●法總統至西班牙……法總統樸蔭開雷至西班牙會其國王。敦邦交也。

●菲律賓獨立先聲……菲律賓總督哈利遜聲稱。美國將終允菲律賓獨立。其第一步即許土人在立法院之上下兩院占過半數。

同日 七日

●法西之敦睦……法總統抵西。西王及后迎諸停車場。是夜宴於宮中。

同日 八日

●墨西哥之戰亂……墨西哥官軍。爲叛軍戰敗。其司令官阿爾維亞列士及幕僚兵士等百二十五名。均遭殺戮。又有西班牙人百七十五名。亦被虐殺。

同日 十日

●巴拿瑪運河開通……巴拿瑪運河之干謨布堤工。本日午後二時。由美總統在白宮內按手電機發動炸藥轟去。太平洋大西洋之水流通。航路完全無阻。但加深浚之工。即可通行船舶。

●法總統自西班牙歸國

●日本前首相桂太郎逝世……桂氏爲日本武斷派政治家。本年政變之中心人物。本日因病逝世。

同日 十一日

●墨西哥叛軍之勝利……墨西哥反抗政府之憲政軍。屢戰屢勝。現向敦崙川前進。

同日 十二日

●亞爾巴尼亞戰事未息……亞爾巴尼亞與塞爾維亞國境間之戰爭。尙未終息。

同日 十四日

●英國煤礦炸裂……英國加狄夫附近煤礦炸裂。死者數百名。

同日 十五日

●希士兵隊衝突……希臘軍與土耳其軍。在棧谿附近大戰。土兵被希兵擊退。

同日 十六日

●列國海軍退出斯庫台里……列國駐斯庫台里之海軍將官。因戰事終息退出。惟陸軍仍在駐守。

●英國巨艦進水……英國超級戰艦坤愛利撒俾號。於布瑪斯進水。

●奧國警戒塞爾維亞……奧國政府照會塞爾維亞。勸告慎守疆土。不得侵入亞爾巴尼亞國境。

同日 十七日

●墨總統辭職……墨西哥臨時總統孚爾泰。提出辭職書。內閣以後繼乏人。極力挽留。

同日 十八日

●塞爾維亞進軍……塞爾維亞進軍於亞爾巴尼亞國境。攻畧各村。

25157

同 十九日

●德國勸告塞爾維亞……德政府勸告塞爾維亞。立即撤退在亞爾巴尼亞之軍隊。

●奧國對塞之強硬……奧政府照會塞爾維亞。限八日以內撤回亞爾巴尼亞軍隊。法人以奧國此舉。未向各國商告。頗極憤怒。

同 二十日

●塞爾維亞宣告撤兵……塞爾維亞接德奧兩國照會後。即通告列國。已發撤退軍隊之命令。

同 二十一日

●葡萄牙王黨作亂……葡萄牙王黨聯合海陸軍人。在葡京里斯本作亂。

●俄外務大臣至德

同 二十二日

●美國對墨之通告……美政府照會墨總統。要求保護旅墨之美人。

●葡萄牙亂黨失敗……葡政府通牒駐葡各國領事。謂亂黨已被官軍擊敗。並捕獲黨徒百餘人。

同 二十三日

●英美德對於墨西哥之抗議……英美德政府因三國人民為墨西哥官軍拘執。特向墨政府提出抗議。

同 二十四日

●希土和約成立……希土兩國之議和條約。業已成立。土耳其得馬其頓教會財產之賠款。

●英美之不睦……英美兩國於墨西哥問題。小有衝突。因美人

反對墨總統孚爾泰。而英人則欲擁護之也。

同 二十五日

●墨西哥亂黨之猖獗……墨西哥亂黨又戰勝官軍。奪取蒙的里。

同 二十六日

●德皇如奧……德皇至奧京維也納。奧皇迎之於停車場。塞兵退出亞爾巴尼亞……塞爾維亞在亞爾巴尼亞之軍隊。已全數退出。

同 二十七日

●西班牙內閣更迭……西班牙內閣因上院投不信任票。由保守黨達多氏組織新內閣。

同 二十八日

●德皇歸國

同 二十九日

●美國對於墨事之通告……美國國務卿瀚陽照會歐洲各國政府。要求暫緩發表對待墨西哥之政見。請俟諸美國對墨政策既定之後。

同 三十一日

●奧意通告希臘……奧意兩國照會希臘政府。要求希臘軍退出亞爾巴尼亞。以本年十二月三十一日為期。